

和
清
真
詞

和
清
真
詞



和清真詞目錄

上卷楊澤民

下卷方千里

瑞龍吟

瑣窗寒

風流子

渡江雲

應天長

荔枝香二

還京樂

掃花游

解連環

玲瓏四犯

丹鳳吟

滿江紅

瑞鶴仙

西平樂

浪淘沙

憶舊遊

驀山溪

少年游二

秋蕊香

漁家傲 二

南鄉子

望江南

浣溪沙 三

迎春樂 二

點絳脣

一落索 二

滿庭芳

隔浦蓮

法曲獻仙音

過秦樓

原作選官子
据清真集改

側犯

塞翁吟

蘇幕遮

浣溪沙 四

點絳脣

訴衷情

風流子

華胥引

宴清都

四園竹

齊天樂

木蘭花

霜葉飛

蕙蘭芳引

塞垣春

丁香結

氏州第一

解蹀躞

少年游

慶春宮

醉桃源二

點絳脣

夜游宮二

訴衷情

傷情怨

紅林擒近二

滿路花

解語花

六么令

倒犯

大酺

玉燭新

花犯

醜奴兒

水龍吟

六醜

虞美人二

蘭陵王

蝶戀花三

西河

三部樂

菩薩蠻

品令

玉樓春

滿路花

跋

和清真詞

宋 樂安 楊澤民

瑞龍吟

城南路。凝望映竹搖風。酒旗標樹。郊原遊子停車。
問山崦裏。人家甚處。去還竚。徐見畫橋流水。小
窗低戶。深沈綠滿垂楊。芳陰姪姪。嬌鶯解語。多
謝佳人情厚。捲簾羞得。庭花飄舞。可謂望風知心。
傾蓋如故。猶帶香玉。休賦斷腸句。堪憐處。生塵羅
襪。凌波微步。底事匆匆去。爲他繫絆。離情萬緒。空
有愁如縷。憶桃李春風。梧桐秋雨。又還過却。落花
飄絮。

瑣窗寒

倦拂鴛衾。羞臨鵲檻。懶開窗戶。韶華暗度。又過妬
花風雨。掩熏爐。怕聞舊香。柳陰只有黃鶯語。似向
人欲說離愁。因念未歸行旅。春暮。知何處。便不
念芳年。正當三五。輕衫快馬。去逐狂朋怪侶。便羅
幃香閣頓忘。枕邊要語會記否。趁芳時。卽早歸來。
尙可殢清俎。

風流子

詠錢塘

佳麗古錢塘。帝居麗。金屋對昭陽。有風月九衢。鳳
皇雙闕。萬年芳樹。千雉宮牆。戶十萬。家家堆錦繡。
處處鼓笙簧。三竺勝遊。兩峯奇觀。湧金仙舸。豐樂
霞觴。芙蓉城何似。樓臺簇中禁。捲簾東廂。盈望

虎豹分列。鴛鴦成行。向玉宇夜深時。聞天樂。絳霄
風軟。吹下爐香。惟恨小臣資淺。朝覲猶妨。

渡江雲

漁鄉回落照。晚風勢急。鶯鶯集汀沙。解鞍將憩息。
細徑疏籬。竹隱兩三家。山肴野蔌。競素樸。都沒浮
華。回望時。繞村流水。萬點舞寒鴉。休嗟。明年秋
暮。一葉扁舟。望平川北下。應免勞。塵巾烏帽。宵炬
紅紗。青蓑短棹。長江碧。弄幾曲。羌管吹葭。人借問。
鳴榔便入蘆花。

應天長

天桃弄粉。繁杏透香。依然舊日顏色。奈彼妬花風
雨。連陰過寒食。金釵試問妙客。正晝永。院深入寂。

善歌更解舞。傳聞觸處聲籍。當日俊遊時。屢向
平康吟詠。共題壁。自後縱經回曲。難尋阿姨宅。芳
華苑。羅綺陌。乍斷得。怪蹤狂跡。慣來往。柳外花閒。
鶯燕都識。

荔枝香

瞰水自多佳趣。春未去。繡桷抖起。凌空隱隱籠輕
霧。已飛畫棟朝雲。又捲西山雨。相與共煮新茶取
花乳。開宴處。俯北榭臨南浦。迤邐扁舟。雙槳櫂
歌齊舉。座上嘉賓。妙句無非賦。鸚鵡。莫惜高燒蠟
炬。

第二

未論離亭話別。涕先泣。旋滌瑤觴。深挹芳醪。凝愁

滿眼悵人。大白須卷歌徧。三勸記得當時送口遠。
素蟾屢明晦。彩雲易散。後約難知。又却似陽關
宴。烏絲寫恨。帕子分香爲郎剪。願郎安信頻遣。

還京樂

春光至。欲訪清歌妙舞。重爲理。念鶯輕燕怯。媚容
百斛。明珠須費。算枕前盟誓。深誠密約。堪憑委。意
正美。嬌眼又灑。梨花春淚。記羅帷底。向鴛鴦燈
畔相偎。共把前回詞語詠味。無端浪跡萍蓬。奈區
區。又催行李。忍重看。小岸柳梳風。江梅鑑水。待學
鸚鵡翼。從他名利縈悴。

掃花游

素秋漸老。正葉落吳江。雁橫南楚。暮霞散縷。聽寒

蟬斷續。亂鴉鼓舞。客舍淒清。那更西風送雨。又東
去。過野杏小橋。都在元處。心事天未許。似誤出
桃源。再尋仙路。去年燕俎。記芳腮妬李。細腰束素。
事沒雙全。自古瓜甜蒂苦。欲停竚。奈江頭早催行
鼓。

解連環

塞鴻難託。奈雲深霧闊。水遙山邈。感兩情。渾若連
環念。恩愛厚深。利名浮薄。便好歸來。怎禁得。許多
蕭索。免懨懨瘦減。漫滯寢。釭枉費湯藥。伊心料
應未若。對香消獸吻。月轉樓角。恁便是。鐵石心腸
有。當日盟言。怎忍辜却。冷葉倡條。尙自得。連枝雙
萼。不成將。異葩豔卉。便教謝落。

玲瓏四犯

韻勝江梅。笑杏俗桃麤。空眩妖豔。盡屏鉛華。天賦
翠眉丹臉。門閉晝永春長。看燕子、並飛撩亂。歎歲
華。若箭頻換。深院有誰能見。夜來初得同相薦。
便門闌。瑞煙蔥蒨。天然素質真顏色。直是驚人眼。
曾向衆裏較量。似六箇骰兒六點。應自來恨悶。和
想憶。都消散。

丹鳳吟

荏苒秋光虛度。玩月池臺。登口樓閣。風傳霜信。遍
送曉寒。侵幕。淒涼細雨。洒窗飄戶。漏永更長。枕單
衾薄。夢裏驚鴻喚起。坐對寒缸。猶聽晨漏殘角。
先自宿醒似病。共愁造合滋味惡。雖有丁寧語。怕

旁人多口。還類金鑠。如斯情緒。戚戚怎禁牢落。縱
欲憑江魚寄往。漫霜毫頻握。幾時得見。諸事都記
著。

滿江紅

袅娜身材。經行處。金蓮涉足。晨妝罷。黛眉新暈。素
腰如束。丹臉勻紅香在臂。秀肌膩滑涼生肉。記那
回。同賭選花圖。贏全局。相思病。休殢卜。辜負却。
楊枝曲。漫榴花堆火。翠陰籠屋。菡萏方池間。豔蕊。
畫堂未許歸雲宿。任利名蹤跡久塵埃。教誰撲。

瑞鶴仙

憶舊居呈超然示兒子及女

依山仍負郭。有松桂扶疏。烟霞渺漠。一年自成落。

奈孤蹤還繫。蠅頭蝸角。休嗤句弱。賦郊居。何讓沈約。記鄉人過我。儼立阼階。酒行仙酌。遠映江山奇勝。下瞰重湖。上飛高閣。風簾絮幙。築新檻。種花藥。幸瓜期已近。秋風歸去。免得奔馳味惡。待開池。賸起林亭。共同宴樂。

西平樂

園韭畦蔬。嫩鷄野臘。鄰醞稚子能賒。羅幙新裁。畫樓高聳。松梧柳竹交遮。應便作歸休計去。高楫淵明。下視林逋。到此如何。又走風沙。都爲啼號累我。思量事。未遂卽咨嗟。連年奔逐。旁州外邑。舟楫輕揚。鞭口傾斜。仍冒觸煙嵐邃險。風雪縱橫。每值初寒在路。炎暑登車。空向長途度歲華。消減少年。

英豪氣宇。瀟灑襟懷。似此施爲。縱解封侯。寧如便
早還家。

浪淘沙

禁城外。青青細柳。翠拂高堞。征鼓催人驟發。長亭
漸覺。宴闋。情緒似丁香千百結。忍重看。手簡親折。
聽怨舉離歌。寄深意。新聲更清絕。心切。暮天塞

草烟闊。正乍裊輕塵。新晴後。汨汨清渭咽。聞西度
陽關。風致全別。玉杯屢竭。思故人。千里唯同明月。
扶上雕鞍。還三疊。那更第四聲未歇。念蟾魄能圓
還解缺。况人事。莫苦悲傷。悴豔色。歸來復見頭應
雪。

憶舊遊

念區區遠宦。帶月侵晨。燃燭中宵。在昔曾遊遍。過
三湘下浙。一水通瀟。小舟暫輟蘭棹。羸馬復鞭搖。
但舊日雄圖。平生壯氣。往往潛消。迢迢向年事。
記豔質平堤。曾共聽鐺。醉口遊沙市。被疏狂伴侶。
朝暮相招。怎知後約難再。牛女隔星橋。待遠結雙
成。他時去竊千歲桃。

驀山溪

當年蘇小。家住苕溪尾。一棹采蓮歸。悄羞得、鴛鴦
飛避。蘋洲蓼岸。花臉兩難分。崖半倚。風乍起。蕩漾
烟花裏。平生強項。未肯輕魚水。溪上偶相逢。這
一段、風情怎已。紉蘭解佩。不負有情人。金尊側。羅
帳底。占盡人間美。